

民國肇縣志

鞏縣志卷十四

劉蓮青

邑人

纂輯

張仲友

邑人劉鑣華纂定

邑人劉鎮海參閱

固始萬自逸讐校

列女志

節義貞烈實里巷風化之原揆其堅苦卓絕恒爲士大夫不克逮詩人之所以詠柏舟也已酉志首列宋溫成張后非誼也檢刪之要其著錄亦云富矣茲更博加採訪視其所得且倍蓰而不止夫委巷窮檐斃斃弱女子

亦惟不負其意而已豈欲藉以博身後之名哉然任其  
湮沒而不章則執簡者何所逃其責故於此彌兢兢焉  
志列女

元

韓氏張裕妻裕拜右丞相韓氏贈梁郡夫人元末北京城  
破裕以身殉全家死節

明

韓氏庠生劉麟妻正德七年覆州賊起劫掠至鞏韓氏避  
亂山寨賊見韓氏國色欲犯之韓罵曰我良家子肯從  
爾狗彘賊怒取韓所抱幼子殺之韓罵愈甚遂被殺旁

一張姥以老陋脫白其夫劉劉收屍葬之詳長洲鄭瑛

記事碑

李氏常自省妻夫卒守節正德間賊至自縊死

張氏譚恩妻夫故守節正德七年賊至遇害

趙氏康流來妻夫死洛水趙聞之沿河呼號不得屍遂投  
水越三日二屍同出有司立碑旌之

李氏喬作霖妻明末作霖死於流寇李抱夫屍哭亦被殺

見豫變  
紀畧

王氏朱之臣妻夫卒年十八縊死柩前

魏氏姚丕顯妻被賊掠約有埋金借賊刀掘金遂殺賊自

投井死

郭氏生員姚麟徵母居魯莊憲明季李際遇亂郭諭子死守事迫先自縊死麟徵被難後妻楊氏偕三妾俱以身殉

王氏生員姚城妻城父若時死於土寇李際遇城請兵討賊復仇謀洩被殺王氏聞之投井死

張氏知縣原鳳起妻崇禎癸未寇至死節

路氏生員曹伸妻夫死投繯以殉事聞旌表如例

康氏生員張本善妻崇禎癸未流賊破城死節

張氏王之璽妻之璽亡事繼姑盡孝

張氏劉澤遠妻婚未逾歲夫亡年十六矢志撫遺腹子事舅姑備極艱辛

李氏閻忠卿妻崇禎庚辰佐夫散粟救荒全活甚衆夫死守節教二子終身同炊子孫皆入庠

張氏孫得盛妻夫被誣斃獄氏白其冤後投井死事聞蒙旌

劉氏張嘉誠妻夫死守節蒙旌

朱名氏姑婦俱孀遇流寇將殺姑婦哀求身代得全活

李氏鄭蕙妻同村惡少欲辱之氏大罵被殺蒙旌

張氏劉期達妻賊破城夫被執扶姑逃青堆山下賊至將

殺其姑懇以身代賊扭其髮姑始得釋

李氏張本立妻年二十夫故守節教二子成立蒙旌

李氏知州康偉繼室年二十二偉死孀居撫孤成立未幾其孫亦沒婦凌氏亦孀居撫孤紹禹與姑同操

孫氏生員李穩妻生子一歲而寡氏年二十家貧撫孤勤織紡雖至親罕見其面

邵氏張樂堯妻夫死撫幼子事老姑以節終

周氏喬第妻年二十四孀居奉翁姑以孝稱

清

崔氏張體仁妻夫歿年十九守節四十五年以終雍正三

年旌表

趙氏閻珣妻年二十二而寡撫孤孝姑守節四十七年而  
歿蒙旌表其子亦入庠

張氏寇家灣庠生趙潤芳妻年二十二夫歿矢志守節撫  
其弱孤子亡復撫繼孫苦節六十二年旌表

按舊志張氏婦李氏亦守節先張氏卒

牛氏李振德妻年二十五夫歿守節孝事二親撫其孤子  
四十年如一日蒙旌表

王氏庠生劉斌妻夫歿事舅姑孝撫繼子成立入庠蒙旌  
表

以上見王通志

李氏舊城內廩生張秀古妻子歸後勸夫奮志讀書秀古  
歿親老子幼翁初喪明嗣與姑相繼歿氏雖貧殯葬無  
失禮長子婦柘氏又早逝遺孤名鞏伶仃蕭索氏教育  
有方名列庠序乾隆二年旌表

馬氏吏員白心明妻年二十八夫亡守節三十二年舅卒  
事姑維謹教子義方和娣姒乾隆元年旌表

王氏迴郭鎮李子恭妻年二十五夫歿遺子甫逾月氏引  
刀自裁姑泣勸止毀容強飲紡績奉翁姑翁姑沒喪葬  
皆盡禮守節三十九年歿乾隆三年旌表

張氏神堤庠生孟大有妻年二十九夫歿矢志守節康熙  
六十一年歲大饑雖糟糠不給紡績鬻衣鞠養嗣子成  
立乾隆元年旌表

李氏迴郭鎮儒童馬昇妻夫故年二十七守節孝事舅姑  
教子成立舅姑歿葬祭如儀家故貧屢遭荒歲鬻衣剪  
髮易食全家得活乾隆十年旌表

趙氏張集妻性至孝六歲喪父哀毀不欲生十七歸集盡  
婦道夫歿仰事俯畜備嘗荼苦守節四十二年乾隆四  
年旌表

李氏白紵妻年十八適純純歿欲以死殉姑數勸諭乃已

姑歿氏哀毀成疾教嗣子慈而嚴守節四十一年旌表  
孫氏韓丕顯妻丕顯歿氏年二十三身任子職得舅姑歡  
舅姑歿終身永慕未嘗少渝卒蒙旌表

趙氏崔傑妻年十五適傑二十一傑歿養老撫孤艱辛備  
嘗三十一年如一日卒蒙旌表

張氏吏員崔雲翼妻年二十六夫歿子甫六月家貧紡績  
以供翁姑翁姑歿竭力殯葬守節教子三十一年卒蒙  
旌表

劉氏監生崔鴻翼妻十六子歸趙三載舅歿夫亦亡無子  
氏取夫兄子遇丙姑又歿前後祔葬盡誠盡孝守節二

十九年卒蒙旌表

段氏迴郭鎮李子隆妻子歸七載子隆歿氏勵永操四十年家貧紡績奉親舅姑歿撫子善從成立蒙旌表乾隆七年歿入節孝祠

宋氏七里舖曹承佩妻年十七歸佩佩卒家貧舅姑又相繼歿氏躬營喪葬守節四十三年足不踰閭卒蒙旌表  
蔡氏宋明典妻二十九歲夫歿姑孀乏嗣紡績易米養姑撫嗣子成立守節五十二年卒蒙旌表

孫氏蘇村李莊妻二十四歲莊歿事姑維謹教子成立守節四十餘年卒乾隆五年旌表

楊氏孫廣妻年二十四夫歿舅姑命撫二孫事親盡孝  
守節三十餘年卒蒙旌表

張氏雙樓張爾爵妻年二十四夫歿事翁姑孝姑喪翁疾  
謹慎從事守節四十一年卒已旌表

程氏石臼泉張爾緒妻二十一歲夫亡矢志守節孝親教  
子娶婦陳氏年二十六亦寡陳繼姑志事祖舅姑乾隆  
八年旌表

張氏灘小關王銘妻年二十五夫歿子甫三歲祖姑翁姑  
俱衰老氏奉老恤幼數十年如一日卒蒙旌表

李氏柏圪墻張其才妻年二十四夫歿家貧鬻糲奩葬翁

後姑病痿氏負以出入姑歿紡績以葬子愷爲邑諸生  
旌表

趙氏三節邵氏貢生趙發劓妻劓歿遺子奎暹甫七歲氏  
偕妾張氏守節紡績撫孤娶婦曹氏生孫瀚僅三歲奎  
暹復亡曹亦勵志事孀姑撫幼子邑令給匾旌獎瀚後  
列庠序

王氏三節雷氏王爾福之母年十九守節及長爲爾福娶  
雷氏年十七爾福又歿婦雷亦節守白氏爾康之母年  
十八守節三氏娣姒姑婦共苦守里人哀之

白氏三節張氏白茂儵妻年二十八守節七十七卒茂儵

子光祿早歿妻宋氏年二十九守節六十六卒祿子福  
又早歿福妻張氏年二十七守節姑婦孫婦同勵苦節  
牛氏三節姚氏牛光度妻年二十九夫亡遺子芳苞氏盡  
心鞠育芳甫弱冠殤爲苞娶王氏生子大昌方周歲苞  
又歿王年二十五堅苦守節孝孀姑撫藐孤成立後大  
昌又亡乏子妻姚氏取嗣撫之亦以節著

劉氏雙節宋氏劉心廣妻年二十七寡居遺腹彌月生國  
顯氏矢志從一營葬翁姑邑令多公旌其門婦雷氏二  
十八歲國顯亦亡子二俱幼雷續姑志孀守奉姑維謹  
陳氏雙節子氏陳啟謀妻年十七適陳未三載夫故遺子

宗程甫周歲盡心鞠育爲娶婦白氏生子量僅三齡程  
又歿白年二十一同撫藐孤始終完節

牛氏雙節魏氏牛宣妻年二十六夫歿遺子大本未盈月  
氏守節撫孤爲娶武氏年二十五大本亦歿遺孤紹宏  
姑媳紡績以完節

宋氏雙節賀氏宋善學妻年二十六夫歿子仙坡甫周歲  
貧不能自給氏撫孤紡績不懈爲娶婦白氏守節三十  
一年而歿不數年坡亦歿遺子綸僅三歲白氏繼姑守  
節撫孤成立

徐氏雙節丁氏徐法禹妻年二十夫歿無子繼姑生法

周撫育成立爲娶王氏生子傳書法周又歿王年二十  
二與丁同心守節孝翁姑撫弱息兩門撫一孤承祧

路氏雙節魏氏路直妻年二十六夫故遺子貞吉氏紡績  
事姑育子備極艱瘁未幾貞吉又卒妻馬氏年二十七  
矢志苦守與姑同操魏氏壽八十二馬氏壽七十三子  
孫成立儒學董公旌其門

祖氏雙節李氏祖之玠妻年二十夫亡子大勲姑衰且病  
氏盡孝慈歿年五十祖之紹繼室楊氏之紹歿氏年二  
十一子大士紹前妻馬氏生氏撫若己出事姑以孝聞  
歿年五十二歲守節三十一年